



Հաստատված է

Շուշիի տեխնոլոգիական համալսարանի
գլխավոր խորհրդի 2024թ.

փետրվարի 21-ի N1-02/24/1 որոշմամբ

ԿԱՐԳ

ՇՈՒՇԻԻ ՏԵԽՆՈԼՈԳԻԱԿԱՆ ՀԱՄԱԼՍԱՐԱՆԻ ՄԻՋԻՆ ՄԱՍՆԱԳԻՏԱԿԱՆ ԿՐԹՈՒԹՅԱՆ ՈՒՍԱՆՈՂՆԵՐԻ ՈՒՍՈՒՄՆԱՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում են Շուշիի տեխնոլոգիական համալսարանի (այսուհետ՝ Համալսարան) միջին մասնագիտական կրթության ուսանողների ուսումնառության ընդհանուր պայմանները:
2. Շուշիի տեխնոլոգիական համալսարանի (այսուհետ՝ Համալսարան) միջին մասնագիտական կրթության ուսումնառության կարգը մշակված է հիմք ընդունելով «Նախնական մասնագիտական (արհեստագործական) և միջին մասնագիտական կրթության մասին» Հայաստանի Հանրապետության օրենքը, որը կանոնակարգում է սովորողների տարեկան առաջադիմության հաշվարկի մեթոդիկայի և ուսանողական նպաստ տալու մրցույթի պայմանների մշակումը, մրցույթի կազմակերպման ու իրականացման ընթացակարգը:

II. ՈՒՍՈՒՑՄԱՆ ԱՐԴՅՈՒՆՔՆԵՐԻ ԳՆԱՀԱՏՈՒՄԸ

1. Շուշիի տեխնոլոգիական համալսարանի միջին մասնագիտական կրթության համակարգում ուսուցման արդյունքների գնահատումն իրականացվում է ուսանողների պատրաստվածության (գիտելիքներ, կարողություններ, հմտություններ) աստիճանի ստուգման և ուսումնառության ընթացքում՝ առարկայական ծրագրերում սահմանված չափորոշիչային պահանջներին, իսկ ուսումնառության ավարտին՝ պետական կրթական չափորոշիչով կրթության տվյալ մակարդակի որակավորմանը ներկայացվող պահանջներին համապատասխանության որոշմամբ:
2. Ուսուցման արդյունքների ստուգման և գնահատման համար ուսանողներին տրվում են առաջադրանքներ, որոնց միջոցով բացահայտվում են ուսանողների յուրացրած գիտելիքի և հմտությունների ամբողջականությունը, ուսանողի ինքնուրույնության աստիճանը և գիտելիքը ներկայացնելու, շարադրելու մակարդակը:
3. Ուսանողների գիտելիքների ստուգումն անց է կացվում միջանկյալ

ատեստավորման հետևյալ ձևերով՝ տարբերակված ստուգարք, չտարբերակված ստուգարք, կիսամյակային քննություն և պետական որակավորման քննություն, որոնց ձևերը և քանակը սահմանվում է հաստատված ուսումնական պլանի հիման վրա:

4. Ուսանողները պարտավոր են բոլոր ստուգարքները և քննությունները հանձնել հաստատված ուսումնական պլաններին և ժամանակացույցերին համապատասխան, որոնք սահմանվում և համակարգվում են ուսումնագիտական աշխատանքների գծով պրոռեկտորի կողմից:

5. Բոլոր քննությունների, ստուգարքների հարցաշարերը տրամադրվում են ուսանողին կիսամյակի սկզբում:

6. Կիսամյակային քննությունների ժամանակաշրջանը սահմանվում է ուսումնական պլանով հաստատված եռշաբաթյա ժամկետում:

7. Հարգելի/անհարգելի պատճառով քննություններին (ստուգարքներին) չներկայացած, անբավարար գնահատված ուսանողներին իրավունք է տրվում այն վերահանձնել ակադեմիական պարտքերի համար սահմանված ժամանակահատվածում, ընդ որում՝

1) Անհարգելի պատճառով ուսումնական և արտադրական պրակտիկաներին և ամփոփիչ ատեստավորման չմասնակցած ուսանողներին վերահանձնում չի թույլատրվում,

2) կիսամյակի ընթացքում ուսանողը անբավարար գնահատական կարող է ստանալ ոչ ավել քան 3 առարկայից,

3) յուրաքանչյուր առարկայից անբավարար գնահատականի վերահանձման համար ուսանողին տրվում է երկու հնարավորություն,

4) հարգելի պատճառով քննությանը կամ ստուգարքին չներկայացած ուսանողների համար ակադեմիական պարտքերի թույլատրելի քանակ չի սահմանվում,

5) հարգելի չներկայացած ուսանողների քննությունները կազմակերպվում են առաջին քննաշրջանի ավարտին՝ առաջին լուծարքին նախորդող շաբաթվա ընթացքում,

6) կիսամյակի ուսումնական ծրագրերը չկատարած՝ քննաշրջանում երեք տարբեր առարկաներից, կամ նույն առարկայից երեք անգամ «անբավարար» գնահատական ստացած, սահմանված ժամկետներում առարկայական պարտքերը չմարած ուսանողները ֆակուլտետի դեկանի ներկայացմամբ, ռեկտորի հրամանով հեռացվում են ուսանողության շարքերից:

8. Քննությունների, տարբերակված և չտարբերակված ստուգարքների և դրանց վերահանձնումների արդյունքները գրանցվում են միասնական նմուշի տեղեկագրերում և հանձնվում ֆակուլտետի դեկանին:

9. Ուսումնական պլանով սահմանված կուրսային աշխատանքների պաշտպանությունը և արտադրական պրակտիկաների հաշվետվությունների ներկայացումը ուսանողները պարտավոր են հանձնել սահմանված ժամանակահատվածում:

10. Նախաավարտական, արտադրական պրակտիկաների պաշտպանության

արդյունքները գրանցվում են միասնական նմուշի տեղեկագրերում և հանձնվում ֆակուլտետի դեկանին:

11. Քննությունների, տարբերակված և չտարբերակված ստուգարքների տեղեկագրերը տպվում են մեկ օրինակից, համարակալվում և կնքվում են համալսարանի ուսումնական բաժնի կողմից՝ քննաշրջանը սկսելուց առնվազն 5 օր առաջ:

12. Տեսական կամ առանց տեսական ուսուցման պրակտիկա ենթադրող մոդուլների գնահատականները ուսանողին տրվող դիպլոմի ներդիրում ամփոփվում են «տեսական ուսուցման և պրակտիկայի» մեկ միասնական գնահատականով, որը հաշվարկվում է բոլոր մոդուլներից ուսանողի ստացած գնահատականների միջին թվաբանականով՝ կլորացման սկզբունքով և արտացոլվում է 10 բալանոց սանդղակով:

13. Առարկայական քննությունները ընդունում են դասավանդող դասախոսները (առնվազն 2 անդամից կազմված հանձնաժողովով),

14. Առարկայական քննությունների վերահանձնումները ընդունում են դասավանդող դասախոսները (առնվազն 2 անդամից կազմված հանձնաժողովով):

15. Հատուկ դեպքերում, ռեկտորի թույլտվությամբ, թույլատրվում է ուսանողների պարտքերի մարման երրորդ վերահանձնում՝ ռեկտորի հրամանով կազմված հանձնաժողովով:

15. Առարկայական քննությունների անցկացման, գնահատման և սահմանված տեղեկագրերում դրանց արդյունքների լրացման պատասխանատվությունը կրում է քննող դասախոսը, որի համար վերջինս իր ստորագրությամբ վավերացնում է տեղեկագրերում արտացոլված արդյունքները:

16. Ստուգարքով ավարտվող առարկաներից ստուգարքը ընդունում է տվյալ առարկան դասավանդող դասախոսը, իսկ վերջինիս բացակայության դեպքում, նույն առարկան դասավանդող այլ դասախոս՝ ամբիոնի վարիչի մասնակցությամբ:

17. Քննաշրջանում ուսումնական պլանում ներառված առարկաներից կամ առարկայական մոդուլներից, պրակտիկաներից և կուրսային աշխատանքներից ուսանողների գիտելիքը քննության կամ տարբերակված ստուգարքի դեպքում գնահատվում են 10 բալանոց սանդղակով, ամբողջ թվերով՝ «10-տաս», «9-ինն», «8-ույթ», «7-յոթ», «6-վեց», «5-հինգ», «4-չորս», «3-երեք», «2-երկու», «1-մեկ» միավորներով:

Ընդ որում՝

1) «1-մեկ», «2-երկու» և «3-երեք» միավորները համարժեք են «անբավարար» գնահատականի,

2) «4-չորս», «5- հինգ» և «6- վեց» միավորները համարժեք են «բավարար» գնահատականի,

3) «7-յոթ» և «8-ույթ» միավորները համարժեք են «լավ» գնահատականի,

4) «9-ինն» և «10-տաս» միավորները համարժեք են «գերազանց»

գնահատականի:

19. Քննաշրջանում ուսումնական պլանում ներառված առարկաներից կամ առարկայական մոդուլներից ուսանողների գիտելիքը չտարբերակված ստուգարքի դեպքում գնահատվում է «ստուգված»/«չստուգված»

գնահատականներով:

20. Պետական որակավորման քննության գնահատականը նշանակվում է 10 միավորային սանդղակով՝ «գերազանց», «լավ», «բավարար», «անբավարար»:

21. Տվյալ կուրսի ուսումնական պլանով նախատեսված տեսական և գործնական առաջադրանքները և ուսումնական արտադրական պրակտիկաները, բոլոր քննությունները և ստուգարքները, ակադեմիական պարտքերը հաջող հանձնած ուսանողները ռեկտորի հրամանով փոխադրվում են հաջորդ կուրս, իսկ ավարտական կուրսերի ուսանողները ռեկտորի հրամանով թույլատրվում են մասնակցելու պետական որակավորման քննության:

22. Ավարտական կուրսի ուսանողի պետական ամփոփիչ քննությունների հանձնումը իրականացվում է՝ համաձայն Հայաստանի Հանրապետության Կրթության և գիտության նախարարի 2006թ. հուլիսի 21-ի թիվ 638-Ն հրամանով հաստատված «ՀՀ նախնական մասնագիտական (արհեստագործական) և միջին մասնագիտական ուսումնական հաստատություններում պետական ամփոփիչ ստուգման կազմակերպման ու անցկացման մասին» կարգի:

II. ՄՄԿ ՌԻՍԱՆՈՂՆԵՐԻ ՀԵՌԱՑՈՒՄԸ ԵՎ ԱԶԱՏՈՒՄԸ

1. ՄՄԿ ուսանողը հեռացվում է.

ա). կիսամյակի արդյունքներով ակադեմիական անբավարար առաջադիմություն ցուցաբերելու պատճառով,

բ). Համալսարանի կանոնադրությամբ և ներքին կարգապահական կանոններով նախատեսված պարտականությունների խախտման դեպքերում,

գ). Համալսարանի կողմից սահմանված ժամկետում ուսման վարձը չվճարելու դեպքում:

2. Պարտադիր զինվորական ծառայության զորակոչից տարկետման իրավունքով ընդունված, սակայն Համալսարանի ՄՄԿ-ից հեռացված ուսանողները զրկվում են տարկետման իրավունքից:

3. ՄՄԿ ուսանողը ազատվում է.

ա) իր դիմումի համաձայն,

բ) այլ բուհ տեղափոխվելու դեպքում:

4. Համալսարանի ՄՄԿ-ի ուսանողի ազատման հրաման իր դիմումի համաձայն չի կարող տրվել, եթե նա ենթակա է հեռացման համաձայն սույն Կարգի 5-րդ կետով նախատեսված դեպքերի:

5. Ուսանողի ուսումնառությունն ընդհատվում է.

ա) ժամկետային զինծառայության զորակոչվելու դեպքում,

բ) առողջական վիճակի պատճառով ակադեմիական արձակուրդում գտնվելու դեպքում,

գ) հղիության և ծննդաբերության, ինչպես նաև մինչև 3 տարեկան երեխայի խնամքի դեպքերում:

6. Քննաշրջանի ընթացքում քննություններին չներկայացած ուսանողներին թույլատրվում է մինչև հաջորդ կիսամյակի երկրորդ շաբաթվա ավարտը անհատական ժամանակացույցով հանձնել ակադեմիական պարտքերը:

7. Ակադեմիական պարտքերի անվճար հիմունքներով մարումը

իրականացվում է ռեկտորի հրամանով ձևավորված քննական հանձնաժողովներում: Ակադեմիական պարտքերի մարման վերջնաժամկետ է սահմանվում հաջորդ կիսամյակի երրորդ շաբաթվա վերջը:

8. Սույն կարգի 5-րդ կետի առաջին ենթակետով նախատեսված դեպքում, Համալսարանից հեռացման հրամանները տրվում են քննաշրջանի, ակադեմիական պարտքերի մարման արդյունքների ամփոփումից հետո 5 աշխատանքային օրվա ընթացքում, որի մասին ուսանողը նախապես տեղեկացվում է:

9. Համալսարանի ՄՄԿ-ից հեռացված (ազատված) արական սեռի ուսանողների վերաբերյալ հրամանները 3 աշխատանքային օրվա ընթացքում ներկայացվում են համապատասխան զինկոմիսարիատներ:

10. Համալսարանի ՄՄԿ-ից հեռացման (ազատման) դեպքում ուսանողի դիմումի համաձայն, 3 աշխատանքային օրվա ընթացքում նրան տրվում է հեռացման (ազատման) հրամանի պատճենը, ակադեմիական տեղեկանքը և ավարտական վկայականը: Համալսարանի կողմից հաստատված ավարտական վկայականի պատճենը պահվում է ուսանողի գործում:

III. ՄՄԿ ՌԻՍԱՆՈՂՆԵՐԻ ՎԵՐԱԿԱՆԳՆՈՒՄԸ

1. Ուսանողական իրավունքների վերականգնումը թույլատրվում է սկսած առաջին կուրսի երկրորդ կիսամյակից:

2. Ուսանողական իրավունքների վերականգնման դիմումները ներկայացվում են կիսամյակների ուսումնական պարապմունքներին նախորդող և հաջորդող երկու շաբաթների ընթացքում: Վերականգնման դիմումին կցվում է ակադեմիական տեղեկանքը կամ ստուգման գրքույկի պատճենը:

3. Այլ քոլեջներից հեռացված (ազատված) ուսանողները վերականգնվում են Համալսարանի ռեկտորի հրամանով:

4. Համալսարանը քննարկում է ուսանողի վերականգնման դիմումը և որոշում նրա ուսումնառության շարունակման կուրսը և մյուս պայմանները, կամ հիմնավորում է մերժելու մասին իր որոշումը:

5. Առաջացած առարկայական տարբերությունների և ակադեմիական պարտքերի մարման համար Համալսարանի ռեկտորի կողմից սահմանվում է ժամկետ, սակայն ոչ ուշ, քան մինչև տվյալ կիսամյակի քննաշրջանի սկիզբը: Առարկայական տարբերություն է համարվում ուսումնառած պլանում բացակայող առարկան կամ որևէ առարկայից 75 տոկոսից ուսումնառած առարկաները: Վերականգնվող ուսանողները ակադեմիական պարտքերը, առարկայական տարբերությունները հանձնում են վճարովի հիմունքներով՝ յուրաքանչյուր առարկայի հանձնման կազմակերպման համար սահմանված 5000 (հինգ հազար) դրամի չափով (ըստ փաստացի ծախսերի):

6. Առարկայական տարբերությունների և ակադեմիական պարտքերի հանձնումից հետո կցագրման հրամանը փոխարինվում է ուսանողի հրամանագրումով:

7. Ձորակոչվելու կապակցությամբ և առողջական վիճակի պատճառով ակադեմիական արձակուրդի ձևակերպմամբ ուսումնառությունը ընդհատած ուսանողները ուսումնառությունը շարունակում են այն պահից, որից այն ընդհատել են՝ անկախ առաջացած ծրագրային տարբերություններից:

8. Վճարովի ուսուցման համակարգում ուսանողների հրամանագրումը կատարվում է կիսամյակի ուսման վարձը վճարելուց հետո:

9. Համալսարանի ՄՄԿ-ից հեռացված (ազատված) ուսանողները վերականգնվում են այն կիսամյակում, որից նրանք հեռացվել (ազատվել) են, եթե վերականգնման պահին առարկայական անհամապատասխանություններով պայմանավորված առարկաների քանակը չի գերազանցում 8-ը: Ութ առարկան գերազանցելու դեպքում ուսանողին առաջարկվում է վերականգնվել ավելի ցածր կիսամյակում, որի համար առարկայական անհամապատասխանությունների սույն կետում նշված պահանջը բավարարվում է, բացառությամբ առաջին կուրսի առաջին կիսամյակի:

10. Համալսարանի ՄՄԿ-ից հեռացված (ազատված) ուսանողները վերականգնվում են տվյալ մասնագիտության համար լիազոր մարմնի կողմից սահմանված տեղերի սահմաններում:

11. Սույն Կարգի 13-րդ կետով ուսումնառությունն ընդհատած ուսանողները վերականգնում են իրենց ուսանողական իրավունքներն այն պահից, երբ ընդհատել են այն, անկախ լիազոր մարմնի կողմից սահմանված տեղերի քանակից և առաջացած ծրագրային տարբերություններից:

12. Համալսարանի ՄՄԿ-ից հեռացված ուսանողները վերականգնում են իրենց ուսանողական իրավունքները առնվազն մեկ կիսամյակ հետո:

13. Համալսարանի ՄՄԿ-ից հեռացված (ազատված) ուսանողները վերականգնվում են վճարովի սկզբունքով: Նրանց ուսման վճարը սահմանվում է ընթացիկ ուսումնական տարվա տվյալ մասնագիտության առաջին կուրսի ուսանողների ուսման վարձի չափով: Վճարովի սկզբունքով վերականգնված ուսանողները կարող են մասնակցել փոխատեղման գործընթացին՝ առնվազն մեկ ուսումնական տարի ուսանելուց հետո:

14. Տեսական կուրսը ամբողջությամբ ավարտած, բայց պետական քննությունները (քննություն) չհանձնած ուսանողին իրավունք է վերապահվում երեք տարվա ընթացքում, ռեկտորի թույլատվությամբ, հանձնելու պետական քննությունները (քննությունը) ներքոհիշյալ ենթակետում սահմանված վճարումները կատարելուց հետո:

Տեսական կուրսն ավարտած, բայց պետական քննությունը չհանձնած ուսանողի համար սահմանվում է 7500 ՀՀ դրամ վճար:

15. Վերականգնված ուսանողի անձնական գործում պահվում են ուսանողի դիմումը, ակադեմիական տեղեկանքը, վերականգնման մասին հրամանի պատճենը, Համալսարանի հետ կնքած պայմանագիրը և միջնակարգ կրթության կամ միջին մասնագիտական կրթության ավարտական վկայականը, ուսման վարձի վճարման անդորրագիրը:

**IV. ՈՒՍԱՆՈՂՆԵՐԻ ԱՌԱՋԱԴԻՄՈՒԹՅԱՆ ՀԱՇՎԱՐԿՄԱՆ, ՄՐՑՈՒՅԹԻ
ԱՆՑԿԱՅՄԱՆ ԵՎ ԱՌԱՋԱԴԻՄՈՒԹՅԱՆ ԱՐԴՅՈՒՆՔՆԵՐՈՎ
ԿԱՐԳԱՎԻՃԱԿԻ ՇՐՋԱՓՈԽՄԱՆ ԸՆԹԱՑԱԿԱՐԳ**

1. Ուսանողական նպաստների քանակը (անվճար ուսուցման տեղերի քանակը) ըստ մասնագիտությունների և կուրսերի սահմանվում է ՀՀ կառավարության կողմից, պետական բյուջեով ամրագրված նպաստների քանակով:

2. Ուսանողների առաջադիմությունը գնահատվում է 10 միավորանոց համակարգով, իսկ կիսամյակի միջին միավորը որոշվում է տվյալ կիսամյակի քննությունների, դիֆերենցված ստուգարքների և գնահատականով ավարտվող փորձուսուցումների միջին թվաբանականով՝ 0,01-ի ճշտությամբ (կլորացման մեթոդով):

3. Ուսանողների առաջադիմության միջին գնահատականը որոշվում է առարկայական պարտքերի վերջնական մարումից հետո, բայց ոչ ուշ քան մինչև սեպտեմբերի 15-ը (միջին միավորի որոշման ժամանակ հաշվի է առնվում առարկայական պարտքերի մարման դրական գնահատականը):

Այն ուսանողները, ովքեր քննաշրջանում քննության(ներին) չեն ներկայացել անհարգելի պատճառով, առաջադիմության արդյունքների հիման վրա ուսանողական նպաստների հաշվարկման մրցույթին մասնկացում են վերջում:

Առաջադիմության արդյունքների հաշվարկման ժամանակ հավասար միջին միավորների դեպքում առաջնությունը տրվում է.

- քննաշրջանի ընթացքում բոլոր քննությունները դրական հանձնած ուսանողներին (բացառությամբ այն ուսանողների, ովքեր քննաշրջանում քննության(ներին) չեն ներկայացել հարգելի պատճառով փաստաթղթերի առկայության դեպքում),
- անհարգելի բացակայություններ չունեցող ուսանողներին,
- համալսարանի կամ ֆակուլտետի ուսանողական խորհրդի անդամներին,
- մասնագիտական, ընդհանուր մասնագիտական կամ տվյալ մասնագիտության համար առավել կարևոր առարկաներից առավել բարձր միավոր ստացած ուսանողներին,
- ուսանողական գիտական ընկերություններում ուսումնահետազոտական աշխատանքներ կատարած և հրատարակած աշխատանք(ներ) ունեցող ուսանողներին,
- միջբուհական, հանրապետական կամ միջազգային առարկայական օլիմպիադաների մրցանակիրներին,
- պատշաճ վարքագիծ ունեցող ուսանողներին,
- զինվորական ծառայությունն ավարտած ուսանողներին,
- սոցիալապես ծանր վիճակում գտնվող ուսանողներին (ամրագրված համապատասխան փաստաթղթերով): Դրանց հավասարության դեպքում

ուսանողական նպաստը հավասարապես բաշխվում է տվյալ տեղին հավակնող (մրցակից կողմերի) ուսանողների միջև, իսկ վարձավճարի մյուս կեսը հավակնորդները մուծում են հավասարապես:

4. Առաջադիմության արդյունքների հիման վրա ուսանողական նպաստների հաշվարկման մրցույթը կազմակերպում է Համալսարանի ուսանողների նպաստների նշանակման մանդատային (մրցութային) հանձնաժողովը, որի կազմում ընդգրկվում են ռեկտորատի, ֆակուլտետի, ուսանողական խորհրդի և պրոֆեսորադասախոսական կազմի ներկայացուցիչները: Մանդատային (մրցութային) հանձնաժողովի կազմը հաստատվում է ռեկտորի հրամանով:

5. Ուսանողական նպաստների նշանակման մանդատային (մրցութային) հանձնաժողովը, մրցույթով անցած նպաստառուների ցուցակը մինչև տվյալ ուսումնական տարվա սեպտեմբերի 20-ը ներկայացնում է գիտխորհրդի քննարկմանը, որի հաստատումից հետո՝ հրամանագրման:

6. Համալսարանի ֆինանսական միջոցների հաշվին վարձավճարի մասնակի գեղջի (նպաստների տեսքով) տրման հարցը քննարկվում է ուսումնական տարվա ընթացքում 2 անգամ՝ կիսամյակի առաջադիմության արդյունքներով, ուսանողների դիմումների հիման վրա: Նախնական քննարկումները կատարվում են ֆակուլտետներում, ուսանողական խորհուրդների մասնակցությամբ, վերջնական քննարկումը կատարվում է համալսարանի գիտխորհրդում, արդյունքները հաստատվում են ռեկտորի հրամանով:

7. Որպես կանոն, ներբուհական ուսանողական վարձավճարի գեղջի հայցման դիմումները ընդունվում են յուրաքանչյուր տարվա հունվարի 15-ից մինչև փետրվարի 15-ը և օգոստոսի 15-ից մինչև սեպտեմբերի 15-ը: Մասնակի գեղջը տրվում է նախորդ կիսամյակի առաջադիմության արդյունքներով և այդ մասին հրամանի գործողությունը տարածվում է միայն առաջիկա ընթացիկ կիսամյակի վրա:

Գիտական խորհրդի նախագահ

Գիտական քննադատ



Ն.Ա. Միքայելյան

Ա.Ա. Առաքելյան